

Swcigih Minzyijveij Daengz Dinghdiemj Bangfuz Mbanj-gungzhoj Haiguh "Ngoenzbanggungz" Giensoengq Hozdung

自治区民语委到定点帮扶贫困村开展“扶贫日”捐赠活动

Bonjbauq siusik (gicej Cau Dwzfeih) 10 nyied 13 hauh, Swcigih Minzyijveij baij aen vej neix gihgvanh dangveij (yinzswcu) conhciz fusuhgi Veiz Bazci daengj 4 boux bae daengz dinghdiemj bangfuz mbanjungzhoj——Ningzmingz Yen Swlang Yangh Baidaiz Cunh、Cwngzcungh Cin Gveizdangz Cunh haiguh “ngoenzbanggungz” giensoengq hozdung, aeu gij ngaenzcienz aen vej neix youq 10 nyied 12 hauh cujiz ndaw vej gihgvanh caeuq cizsuz danhvei ganbu cizgungh gienngaenz hozdung seiz soundaej haenx, faenbied soengq bae daengz ndaw fwngz 20 hoh vunzlai gungzhoj Baidaiz Cunh caeuq Gveizdangz Cunh dinghdiemj bangfuz mbanjungzhoj aen vej neix, bang gyoengqde gaijgez mbanj hojnanz saedsaeh.

Ngoenzhaenx banhaet, giensoengq gunghcozcuj bae daengz Baidaiz Cunh haiguh “ngoenzbanggungz” giensoengq hozdung, giensoengq hozdung yizsi youq Baidaiz Cunh Baidaiz Siujyoz Guhlungz Diemjsonhag banh. Swlang Yangh Dangveij suhgi Nungz Yenzswng, Swlang Yangh Yinzminz Cwngfuj Vujcanghbu bucanj Veiz Vangzbauj, Baidaiz Cunh youq mbanj suhgi daih'it, “gyaeundej Guengjsae” lajmbanj hwnjguh(banggungz) gunghcoz duiyenz nem Baidaiz Cunh Cunhvej ganbu daengj vunz camgya hozdung yizsi. Giensoengq yizsi yienhciengz, giensoengq gunghcozcuj caeuq banggungz gunghcozdui itheij aeu gij ngaenzcienz aen vej neix giencomz ndaej haenx faenbied gien hawj 8 hoh vunzlai gungzhoj daengzciengz haenx; linghvaih, aen vej neix lij yienhciengz giensoengq 2 aen dennauj, 2 aen densi, aen dajyingih ndeu, dauq yaemsieng ndeu hawj Baidaiz Siujyoz caeuq Baidaiz Siujyoz Guhlungz Diemjsonhag, yienhciengz giensoengq 2 aen dennauj hawj Baidaiz Cunhvej yungh de hwnjguh lajmbanj densangh bingzdaiz, hawj gij daegsaek doxgaiq reihnaz mbanjungzhoj doenggvaq gwnz vangj siugai, gya'gvangq gij roenloh siugai doxgaiq reihnaz, vih vunzlai gungzhoj vaiqdi vut gungz baenz fouq demlai ligliengh moq.

Ngoenzhaenx banringzgvaq, giensoengq gunghcozcuj daengz Cwngzcungh Cin Gveizdangz Cunh aeu gij ngaenzcienz aen vej neix giencomz ndaej haenx giensoengq daengz ndaw fwngz 10 hoh vunzlai gungzhoj, caemhcai bae ranzgungzhoj camnai, roxyiuj gij cingzgvang swnghcanj saedcej vunzlai gungzhoj dem.



▲ Vunzlai gungzhoj lingx ndaej ngaenzcamnai le caeuq lingidaui hab'ingi.



▲ Veiz Bazci daengj bae daengz ranzgungzhoj camnai bouxlaux.



▲ Giensoengq gunghcozcuj fat ngaenzcamnai hawj vunzlai gungzhoj.



▲ Bouxcaui youq ndaw riengh gueng viengz.

Fazcanj Maenhndei Canjnieb Gyavaiq Vut Gungz Baenz Fouq

发展优势产业加快脱贫致富步伐

Bineix daeuj, Lozcwngz Mu-laujcu Swciyen Siujcangzanh Cin Soujsan Cunh leihyungb bonjdieg maenhndei swyenz swhyenz, aeu “canjnieb + hozcozse + sifandenj” gij fazcanj mozsi neix, yinx aen mbanj neix 100 lai hoh vunzgungz gya haeuj hozcozse ciengx yiangz.

Dangqnaj, hozcozse gaenq ciengx miz 600 lai duz yiangz, nanq binaj yaek fazcanj daengz 1000 lai duz, bi cinghsouhaeuj nanq aiqndaej 30 fanh lai maenz, bingzyaenz moix hoh faenhoengz yaek ndaej 3000 maenz.

(Vuz Danhhoz/吴丹河)

Libuj: Gij Mbanj Gyaundej Daiqdoengh Lijyouz Fazcanj

荔浦：美丽乡村带动旅游发展

Libuj Yen youq guh aen mbanj swnghdai hab youq ndawde, ciuq gij yenzcwz “hab va couh ndaem va, hab mak couh ndaem mak, hab faex couh ndaem faex”, youq dangqnaj mbanj baihlaeng mbanj dajndaem va-ngonzyawj、gomak、gofaex, baenz le aen “suen va iq” “suen byaek iq” “suen mak iq”. Yinx ndaej haujlai

hekyouz daeuj cimz mak yawj va, daiqdoengh le lajmbanj lijyouz fazcanj. Ndaw doz dwg 10 nyied 12 hauh, gyoengq hekyouz youq Licwngz Cin Bwzmajcangj Cunh aen “suen va iq” haenx ingjsiengq ngonzyawj va.

(Couh Cinyenj/周俊远 Liz Cinyungj/黎振勇)



▲ Gyoengq hekyouz youq ndaw va ingjsiengq.